

Otkriti VIŠE

Predgovor

Maharadži donosi blistavu poruku nade i mira. “To što ti tražiš”, on kaže, “u tebi je. Tvoja istina je unutra, tvoj mir je unutra, i ja ti mogu pomoći da dođeš u dodir s tim.”

Njegova poruka je više od riječi. Za one koji su iskreno zainteresirani, on nudi praktičan način da dožive mir i ispunjenje iznutra.

Otkriti više predstavlja tu mogućnost, koju Maharadži nudi i način kako izvući najviše iz nje.

od Maharadžija

Unutra

SVAKO IMA SNOVE. Srećom, stvarnost je mnogo ljepša od svakog sna. Mnoga stoljeća, glas je upućivao: “To što tražiš je unutra. Tvoja istina je unutra. Tvoj mir je unutra.”

Čežnja da osjetiš ove stvari je to što ja zovem žeđ. Svako ljudsko biće ima urođenu žeđ, koja je jednostavna i stvarna – žeđ za mirom, radošću, zadovoljstvom. To je žeđ za nečim što već postoji unutra. Mi imamo žeđ da osjetimo mir, da osjetimo ispunjenje.

Mir koji postoji u srcu može se doživjeti neovisno o okolnostima, bez obzira da li je osoba bogata ili siromašna, dobra ili loša, u pravu ili u krivu, sretna ili tužna. To je pravo svakog ljudskog bića, stečeno rođenjem.

To je temeljna razlika po kojoj je moja poruka drugačija. Mir, radost i istina su unutra, čekaju da ih osjetimo. Ja sam živ; ti si živ. Ovo je naše vrijeme. U ovom vremenu, možemo spoznati tu jednu stvar unutra koja je po prirodi najdublja, najljepša.

Prihvatanje

TO ŠTO TRAJIMO JE UNUTRA, NE IZVANA.

U sebi možemo pronaći spokoj, mir, jednostavnu radost.

Mir nije samo nešto što je lijepo imati; to je nešto što trebamo osjetiti. Mi trebamo taj mir, čvrsto ugrađen u naše postojanje. Zato je ovo putovanje tako važno.

Kako da se pripremimo i prihvatimo da je to što tražimo u nama? Prvo, trebamo nadu i povjerenje da je to što tražimo unutra. Trebamo isključiti tu buku izvana koja nam odvlači pažnju, tako da vidimo razliku između toga što dolazi izvana i toga što možemo osjetiti unutra.

Kada osjetimo tu razliku, lakše je vidjeti da je taj mir, ta ljepota, ta radost koju tražimo, već u nama. Tada raste prihvatanje da postoji svijet unutra.

Iskustvo

MISMO NAPRAVLJENI DA DOŽIVLJAVAMO. Mi smo najnevjerovatnije mašine za doživljavanje. Mi možemo doživjeti toplo i hladno, radost i tugu.

Ako uzmeš ovu najnevjerovatniju mašinu za doživljavanje i spojiš je unutra, doživjet ćeš mir, radost, sreću.

Ovo iskustvo se treba doživjeti. Ne možeš ga stvoriti. Simboli ili formule za sreću neće zadovoljiti srce. Sreća se mora osjetiti. Srce treba osjećati mir.

Da li tvoje srce osjeća spokoj, ljepotu? Ili osjeća prazninu? Ako želiš da praznina nestane, neka srce osjeti punoću koja također postoji unutra.

Ti možeš osjetiti spokoj. Ti možeš osjetiti ljepotu.

Poklon Znanja je tu samo radi toga.

Poklon Znanja

TO ŠTO JA NUDIM JE VIŠE OD RIJEČI. Ja nudim da naučiš kako pristupiti iskustvu mira i ispunjenja iznutra. Ja to zovem Znanje.

To što Znanje omogućava je da uživaš u životu neovisno o okolnostima. To je način da se povežeš sa iskustvom sebe koje leži unutra.

Znanje se sastoji od četiri tehnike koje omogućavaju osobi da svoju pažnju usmjerenu vani okrene unutra. To nije imaginacija ili vizuelizacija. To je praktičan način da se fokusiraš unutra i da pristupiš tome što je već tu.

Put Znanja je put samootkrivanja.

Onima koji žele krenuti tim putem, ja nudim pomoć u pripremi za učenje tehnika Znanja i omogućavam stalnu inspiraciju i vodstvo za cijeli život pun uživanja.

Neka srce bude sudac

MOŽDA U NAŠEM ŽIVOTU NISMO IMALI VREMENA SLUŠATI SVOJE SRCE. Možda se mnogo toga dešavalo, a bili smo zauzeti. Kad smo mladi, tad smo zauzeti. Kad postanemo malo stariji, još uvijek smo zauzeti. I ostarimo još više, i još uvijek smo zauzeti. Čekamo dan kad nećemo biti toliko zauzeti. Svaki dan koji prođe, stvari izvana postaju sve složenije.

To što mi tražimo je jednostavno. Mi smo jednostavni. Srce je jednostavno. To što srce želi je lijepo – samo tu radost.

Ovo nije sebičnost. Svako ljudsko biće ima urođenu želju da osjeti mir. Zbog toga to nije sebičnost. Mi nismo stvorili žeđ da bismo bili u ovom miru. Žeđ treba biti prihvaćena.

Slušaj srce; neka srce bude sudac umjesto drugih ljudi. Možemo li sebi dopustiti da ne slušamo svoje srce?

Bez dileme

DOK PUTUJEMO KROZ ŽIVOT MI KUPIMO STVARI – suvenire iz mjesta na kojima smo bili. Prije ili kasnije, savijemo se noseći prtljagu drugih ljudi. Naučili smo se živjeti sa mnogim stvarima kao što su strah, dilema i sumnja, dok je naš cilj samo da budemo mi.

Mi nemamo pojma koliko smo opterećeni tim teretom na našim plećima.

Na ovom putovanju samootkrivanja trebali bismo biti samo mi. Trebamo skinuti suvišan teret. Kada to učinimo, bit ćemo iznenađeni kako stojimo uspravo. Svakim komadom koji skinemo, stajat ćemo uspravnije i uspravnije.

Bit će to divan proces razotkrivanja, otkrivanja toga što je naše.

Na ovom putovanju bit ćemo više nego obradovani ljepotom koju već imamo. Zbog toga je ovo putovanje tako posebno.

Da bismo išli ovim putem, trebamo osjećati i imati povjerenja – povjerenja u svoje srce, povjerenja u sebe.

Vuđenje

BUĐENJE JE NEŠTO ŠTO RADIMO SVAKO JUTRO.

Kada se probudimo, mi otvorimo oči. Možemo gledati okolo; možemo vidjeti. Sad smo svjesni.

Zamislite da smo u našem životu bili u procesu spavanja. Bili smo svjesni određenih stvari i nesvjesni nekih drugih.

Zamislite da se sada želimo probuditi. Želimo postati svjesni, upoznati stvari koje su u nama.

Svijet mira čeka unutra; svijet spokoja čeka da ga osjete.

Mi imamo temeljnu potrebu da se osjetimo kompletnim, da osjetimo ispunjenje.

Mi rijetko dopuštamo sebi da osjetimo ovu potrebu unutra, ovu potrebu srca.

Prvi korak je prepoznati ovu temeljnu potrebu. Onda je možemo početi ispunjavati.

Onda Znanje, ili da znaš kako se fokusirati unutra, ima smisla.

Odgovori unutra

M I IMAMO OKEAN PITANJA UNUTRA, ali također imamo i okean odgovora. Proces prilaznja Znanju je jedinstven. To nije beskonačan proces izmišljanja pitanja i dobijanja odgovora. Kako više otkrivamo tako dolaze odgovori.

• Ako ostanemo vezani uz pitanja, nećemo dobiti sve odgovore, jer postoje i odgovori za koje nemamo pitanja.

• Pitanja se tiču vanjskih stvari. Odgovori su unutra; razumijevanje je unutra.

• Umjesto da

• trošimo vrijeme postavljajući pitanja i onda tražeći odgovore za njih, možemo ići kraticom. Kratica je da uronimo u okean odgovora unutra.

• Kad se razumijevanje desi, pitanja iščeznu. Ostanu nam samo odgovori.

• Ovo je divan proces.

Dom

ZNANJE NIJE RJEŠENJE ZA PROBLEME ili sredstvo za poboljšanje okolnosti u našem životu. Znanje isključivo služi za usmjeravanje pažnje na mjesto unutra, gdje je moguće doživjeti radost, mir i spokoj.

• Pošto je taj doživljaj tako temeljan, to je temeljno Znanje.

• Pošto je to doživljaj sebe, to je Znanje samog sebe.

• Iskusiti mir i radost je jedino moguće u momentu koji se zove sad. Mi možemo pokušati da zamislimo budućnost ili se sjetiti prošlosti, ali mi ne možemo postojati ni milisekundu u budućnosti ili u prošlosti. Taj momenat koji se zove sad je naš dom. Tu mi istinski živimo. Zato je tako važno živjeti život trenutak po trenutak.

Veličanstvena stvarnost

KAD ŽEĐ ZA ISPUNJENJEM NIJE JASNA U NAŠEM ŽIVOTU, voda može biti svuda naokolo a da nam to nije važno. Usred pustinje, kada žeđ postane očigledna, čak i pola čaše vode je najdragocjenija stvar. Stavi sve zlato ovog svijeta i pola čaše vode ispred osobe u pustinji i vidi za čim će posegnuti.

Kad je naša žeđ jasna, sve ima smisla – nema više misterije, nema više ideja, nema više sumnji, nema više pitanja. Mi se nađemo kako plivamo u divnoj, kristalno čistoj vodi jasnoće. Možemo se pustiti. Možemo uživati. Još jednom, možemo biti onakvi kakvi smo zamišljeni, kakvi uistinu jesmo.

Ovo nije nešto što moramo naučiti. Ovo je nešto što trebamo razotkriti, otkriti.

Naš život je veličanstvena stvarnost. Mi smo veličanstvena stvarnost u veličanstvenom svijetu. U nama je neizmjeran mir. U nama je neizmjerne radost. To nije u starinama. To nije u modernoj nauci.

To je u srcu svakog ljudskog bića.

Jednostavno

KAD SE SVEDE, ŽIVOT JE JEDNOSTAVAN.

Ovaj dah je jednostavan. Znanje je jako jednostavno.

I razumijevanje Znanja je jako, jako jednostavno. Jednostavnost, ponekad, nije proces činjenja već nečinjenja. To nije proces učenja već odučavanja, otkrivanja toga što je već tu.

To nije proces unošenja novih elemenata.

To je uklanjanje nepoželjnih elemenata. Odstrani sve što je nepotrebno, sve što je nepoželjno. Kao kad vajar ukloni djeliće koji prikrivaju oblik skriven u stijeni, pa izroni divna forma. To sa čim ostaneš je divan, sjajni dijamant – sam život.

Putovanje

NA OVOM PUTOVANJU, NAPOR KOJI JE POTREBAN JE OBRATITI PAŽNJU da razumiješ, da težiš, da nađeš to mjesto unutra.
Sva putovanja koja smo poduzeli u našem životu su nas udaljila od nas.

Kamo vodi ovo putovanje? U unutarnji doživljaj. Ovo je putovanje nazad ka tebi, samo tebi.

Zato ovo putovanje ne samo da je divno i uživajuće već je uistinu i najfascinantnije otkriće.

Put Znanja postoji zbog samog sebe.

Cilj nije samo naučiti tehnike Znanja već uživati u ovom životu, uživati u svakom dahu – svaki dan.

Sami put je odredište.

Putovanje je uistinu za cijeli život.

Odgostori

Maharadži, ja sam poprilično sretan sa svojim životom. Da li ja još uvijek trebam Znanje, ili je ono za ljude koji su nezadovoljni?

Mnogi od nas misle da su sretni. Mi mislimo da smo sretni ne zato što osjećamo temeljnu sreću već zato što ispunjavamo formulu za sreću. Mi kažemo: “Ako imam ovo ili ako imam ono, sigurno sam sretan.”

Da li ta sreća dolazi iz tebe sa mjesta koje je uvijek htjelo taj osjećaj? Ili ti gledaš svoju sliku i svoje okruženje i kažeš: “Mislim da sam vrlo sretan.” Ako je ta sreća ovisna o vanjskim elementima, jednog dana desit će ti se šokantno buđenje, jer će se svi ti elementi promijeniti. To je njihova priroda.

Kada je osjećaj sreće zasnovan na unutarnoj osnovi, onda, šta god da dođe, čak usred i najžešće oluje, mi možemo biti ispunjeni.

Kako da se osjećam ispunjenim kad u svom životu imam veoma mnogo problema?

Jedna od osnovnih stvari koje trebamo razumjeti jeste da je ispunjenje, koje mi želimo osjećati u svom životu, u nama, ne izvana. Mi već imamo sreću koja nam je potrebna u našem životu, ali nismo u dodiru s njom. Onog dana kada dođemo u dodir s njom, istinska sreća će doći i neće biti ovisna o svim stvarima izvana.

Ako je ovo iskustvo u meni, zašto ga ja ne znam?

Čak i ako je to što mi tražimo u nama, toliko toga je stavljeno ispred. Kada nešto ne razumijemo, mi obično to ignoriramo ili prekrijemo. Ovdje se ne radi o stvaranju novog iskustva ili unošenju novih elemenata u naš život. Ovdje se radi o ponovnom otkrivanju toga što već imamo. Mi tražimo mir izvana. On je tu, u nama. Ako ga možemo ponovo otkriti, onda ćemo mi biti ti koji ćemo imati koristi.

Mogu li dobiti isto iskustvo na neki drugi način?

To što Znanje čini, to Znanje čini. Ne možeš ga uporediti ni sa čim drugim. Jedina stvar koju možeš reći je da Znanje donosi iskustvo koje je unutra. Ako ti imaš formulu za mir, onda idi i slijedi tu formulu koja donosi tu vrstu mira. To što Znanje donosi je već u tebi. Nije mu potrebna etiketa. Ako osjećaš da će te neki drugi način dovesti na isto mjesto kao i Znanje, prvo pokušaj taj način.

Znanje te dovodi tebi. Ovo je vrlo individualno putovanje i vrlo individualno iskustvo.

Kako da izbalansiram brigu o svojim odgovornostima u svijetu s tim da slijedim zov svog srca?

Šta god da su tvoje odgovornosti izvana, ti bi se trebao pobrinuti za njih. Ali mi imamo drugu odgovornost – odgovornost prema srcu. Ne trebamo žrtvovati jedno za drugo. Pronalaženje mira je još jedna odgovornost koju imamo. To je odgovornost prema nama samima.

Da li će mi Znanje pomoći da riješim svoje probleme u vezama ili na poslu?

Znanje ti neće pomoći da riješiš probleme. Ako postaneš svjestan u svom životu i izbjegneš stvaranje problema, nećeš morati pokušavati da ih riješiš. Svrha Znanja je da te uvede unutra i omogućiti ti da osjeteš radost koja je unutra – taj smiraj, mir, spokoj, kako god da to nazoveš.

Cijeli svijet je zauzet pokušavajući riješiti probleme. Mislimo da treba riješiti probleme, ali problemi dolaze i odlaze. Oni nisu naš život. Mi imamo probleme u ovom svijetu, ali naš svijet ima i drugu dimenziju. Činjenica da mi ne znamo tu drugu dimenziju je samo po sebi problem. Ako shvatimo da postoji dimenzija ljepote unutra, to nam daje nešto čemu se možemo radovati svaki dan, svaki trenutak.

Gdje god da idemo, mi nosimo divno iskustvo unutrašnje radosti. Usred najnapuštenijeg mjesta, mi nismo sami. To iskustvo će uvijek biti tu, sve do zadnjeg daha. Ono o čemu govorim nisu samo riječi. Znanje donosi jedan doživljaj.

Čega se trebam odreći da bih naučio tehnike Znanja?

Mislimo da se nešto treba žrtvovati, jer sve što smo radili je zahtjevalo ovakvu ili onakvu žrtvu, davanje ovoga za ono. U procesu Znanja, sve čega se trebaš odreći je ono što ne želiš, ono što ne trebaš – svoje praznine, svojih briga, svog straha, svojih sumnji. Kada shvatimo šta uistinu trebamo na ovom putu, počet ćemo shvatati koje stvari nam ne trebaju i počet ćemo ih se oslobađati. Teret postaje lakši i možemo nastaviti živjeti s jednim divnim osjećajem.

Ako je to što tražimo unutra, zašto nam je potrebna priprema?

Priprema je osnovni proces u ponovnom otkrivanju. Mi trebamo razumjeti prioritet žeđi koja je u ovom srcu. Ova odgovornost je urođena i temeljna za naše postojanje.

Žeđ je uvijek bila tamo, ali mi smo uradili odličan posao prekrivajući je. Stvari su se dogodile. Nekad smo razumjeli da su radost i sreća najvažnije u ovom postojanju. Sada, druge stvari su se nastanile i uzele prioritet. Naša žeđ treba biti ponovo otkrivena.

Pitaj farmera kako proizvodi dobru ljetinu i on će ti reći da zemlja treba biti pripremljena. To je vrlo važan dio procesa proizvodnje dobre ljetine. Na isti način, osnovni dio procesa primanja ovog Znanja je da se pripremiš. Pripremanje za život sa Znanjem je put razumijevanja. Bit će potrebno uzeti malo vremena da prostudiraš, da učiš, da rasteš, da razumiješ. Pažljiva priprema je bitna da bi se dobila najveća korist od Znanja do kraja života.

Ako sam uistinu siguran da želim ovo, zašto trebam čekati?

To nije pitanje čekanja. To je pitanje razumijevanja. Trebat ćeš se upitati, da li sam dovoljno spreman? Da li sam spreman da to prakticiram? Za to je potreban napor.

Kada budeš stajao na vlastitim nogama i rekao, ja to mogu uraditi, ja stvarno mogu uživati u ovom poklonu Znanja, tad si istinski spreman.

Kada shvatiš svoju odgovornost prema samom sebi, tada si istinski spreman. Na ovom putovanju se radi o razumijevanju koje nam treba da bismo uzeli u obzir svaki dah, svaki trenutak.

Ako si spreman za to, ako si došao do tog zaključka iz svog vlastitog razumijevanja, ne iz znatiželje ili zbog onog što su ti drugi rekli, onda si spreman početi. Spreman si naučiti tehnike Znanja.

Kakav će osjećaj biti kad imaš Znanje?

Bit će kako će biti. To je nešto što trebaš saznati za sebe. Ako ideš za radoznalošću u svom životu, imat ćeš mnogo ničega na kraju. To za čime trebaš ići je razumijevanje. Nemoguće je opisati kakav je to osjećaj. Svaka osoba je jedinstvena. Čak i kada probaš narandžu, ti taj osjećaj opišeš drugačije od nekog drugog jer ti si različit. Sa Znanjem, ti ćeš iskusiti to što je već unutra. Napravi razliku između toga da si samo radoznao i toga da tragaš sa ciljem. Kreni sa jakog uporišta. To je ono što trebaš u svom životu.

MAHARADŽI

Jednostavan proces

Priprema

Da bi vodio ljude kroz proces pripreme, Maharadži je napravio videomaterijal koji se zove “Ključevi”.

Ako ste zainteresirani, sljedeći korak je da pogledate video “Uvod u Ključeve”, gdje Maharadži govori šta proces pripreme uključuje i kako da izvučete najviše iz njega.

Na kraju ove brošure se nalaze lokalni telefonski brojevi preko kojih možete saznati kako dobiti “Uvod u Ključeve” i Ključeve.

Ukoliko još nisi siguran da želiš početi sa procesom pripreme, možda ćeš htjeti slušati još Maharadžijevih govora ili prisustvovati na još programa sa njim.

Ključevi

Postoji šest Ključeva. Svaki od njih je ključna tačka u pripremi. Svaki od prvih pet sadrži Maharadžijevu prezentaciju i do dvanaest sati prpratnog videomaterijala. Gledanje ovih videa će Vam pomoći da se pripremite da naučite tehnike Znanja.

Prvo pogledajte video sa Maharadžijevom prezentacijom, a zatim videa sa popratnim materijalom. Gledajte videa po vlastitom tempu. Možda ćete htjeti gledati neke od njih nekoliko puta. Maharadži preporučuje da pređete na sljedeći Ključ tek kad se osjetite spremnim.

Šesti Ključ se prikazuje tokom specijalnog programa u kojem Maharadži pokazuje tehnike Znanja putem videoprezentacije.

Priprema za Znanje je jako jednostavan proces. Svaki korak tokom procesa je po izboru svake osobe. U toj pripremi se može veoma uživati.

Registracija

Ako se u jednom trenutku osjetite spremnim krenuti s procesom Ključeva, trebat ćete se registrirati. Registracija se može obaviti preko Interneta ili pozivanjem lokalnog broja za pomoć u Vašoj regiji. Registracija je besplatna.

Prije registriranja je važno da pogledate “Uvod u Ključeve”. Na web stranici www.thekeys.maharaji.net možete naći kompletnu listu svih kontakata u cijelom svijetu, najnovije informacije o Ključevima i stranicu za registraciju za proces Ključeva.

Ključevi se ne naplaćuju kao ni proces pripreme. Ključevi su dostupni na bazi posudbe. Troškovi poštarine, manipulativni troškovi i eventualni depozit, možda će biti potrebni.

Pomoć

Nakon što se registrirate, možete početi naručivati i gledati videomaterijal Ključeva. Oni su namijenjeni za posudbu. Oni nisu namijenjeni prodaji.

Kada pogledate prvih pet Ključeva i ako budete željeli da Vam se pokažu tehnike Znanja, možete poslati molbu Maharadžiju. Onda ćete primiti poziv da prisustvujete specijalnom programu na kome ćete moći naučiti ove tehnike. Ovakvi programi se redovno održavaju na mnogim lokacijama širom svijeta. Informacija kako da pošaljete molbu bit će dostavljena s petim Ključem.

Pomoć je osigurana tokom svakog koraka procesa za ljude koji se pripremaju za Znanje. Web stranica www.thekeys.maharaji.net donosi najnovije informacije o Ključevima.

Možete postavljati pitanja i slati komentare preko web stranice ili pozivajući svog lokalnog asistenta bilo kada tokom procesa pripreme.

Podrška

www.thekeys.maharaji.net

Ova stranica je pomoć ljudima koji su zainteresirani da nauče tehnike Znanja i za one koji su već uključeni u proces pripreme.

www.tprf.org

Ova stranica Fondacije Prem Ravat predstavlja Maharadžija i njegovu poruku, daje pregled humanitarnih inicijativa Fondacije, izvode iz intervjuja sa Maharadžijem i materijale koji se mogu kopirati.

www.maharaji.net

Maharadžijeva stranica. Kratki isječci njegovih poruka dati u poetskom stilu sa njegovom originalnom muzikom u pozadini. Poetski isječci se pojavljuju u redoslijedu od 1, 2 ili 3 minute tako da je svaka posjeta ovoj strani jedinstvena.

www.contactinfo.net

Na ovoj stranici se nalaze telefonski brojevi i Internet adrese po cijelom svijetu na kojima se mogu dobiti informacije o skorim programima sa Maharadžijem i slično.

Pomoć preko telefona

Dvd “*Uvod u Ključeve*” i pojedinačne “*Ključeve*” možete da naručite preko telefonskog broja (033) 619 678, na kojem možete ostaviti Vašu poruku sa brojem telefona, da bi Vas kasnije u tu svrhu mogli pozvati.

Ukoliko želite dodatna objašnjenja u vezi sa naručivanjem “*Ključeva*”, Vaša eventualna pitanja možete postaviti na isti telefonski broj, nakon zvučnog signala ili pošaljite e-mail na adresu licni_razvoj_bih@hotmail.com

DVD–ji sa “*Ključevima*” na bosanskom jeziku će Vam biti dostupni od oktobra 2006. godine, a na engleskom jeziku “*Ključevi*” su dostupni već sada.

Svi materijali su u DVD formatu.

© Fondacija Prem Rawat. Sva prava zadržana.